

## ՀԱՇՎԵՏՎՈՒԹՅՈՒՆ

### ԳՈՐԾՈՒՂՄԱՆ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

**1. Քաղաքացիական ծառայողի անունը, ազգանունը.**

Լիլիթ Աբրահամյան

**2. Զբաղեցրած պաշտոնը.**

Ջրային քաղաքականության վարչության պետ

**3. Գործուղման վայրը և ժամկետները.**

Շվեյցարիայի Ժնև քաղաք՝ 2023 թվականի 18-22 հունիսի.

հունիսի 19,20,21 - աշխատաժողովներ Ժնևի Ազգերի պալատում:

**4. Հրավիրող կողմը (առկայության դեպքում).**

ՄԱԿ-ի ԵՏՀ՝ Միավորված ազգերի կազմակերպության Եվրոպական տնտեսական  
հանձնաժողով (UNECE):

**1. Գործուղման նպատակը (աշխատանքային ո՞ր խնդրի լուծման համար էր  
նախատեսված գործուղումը).**

Մասնակցություն Ջրային ռեսուրսների համապարփակ կառավարման  
աշխատանքային խմբի 18-րդ հանդիպմանը:

**2. Քննարկված թեմաները (հարցերը).**

Նիստերի ընթացքում քննարկված հիմնական թեմաներն էին՝

1. Համաշխարհային մակարդակով անդրսահմանային ջրային համագործակցության  
հետ կապված վերջին զարգացումները,

2. Անդրսահմանային ավազաններում մոնիտորինգի, գնահատման և տեղեկատվության  
փոխանակմանն աջակցություն՝ հիմնվելով գլոբալ փորձի վրա,

3. Կայուն զարգացման 6-րդ նպատակի 6.5.2 ցուցանիշի հաշվետվության և դրա  
ներկայացման վերաբերյալ,

4. Ջրի կառավարման ինտեգրված և միջոլորտային մոտեցման խթանում բոլոր  
մակարդակներում,

5. Ջրային ռեսուրսների համապարփակ կառավարման վերաբերյալ ազգային  
քաղաքականության երկխոսություններին աջակցություն՝ Եվրոպական միության  
ջրային նախաձեռնության ներքո,

6. Անդրսահմանային ավազաններում կլիմայի փոփոխությանը հարմարվելը. կլիմայի  
փոփոխության հետևանքով առաջացած մարտահրավերների հաղթահարում,

7. Անդրսահմանային գետավազանային կառավարմանը հանրության մասնակցության թեմատիկ նիստ,

8. Հաղորդակցություն և գիտելիքների կառավարում և այլն:

### **3. Հանդիպումները, ելույթները.**

Նիստերին մասնակցում էին Ջրային կոնվենցիայի ինչպես կողմ հանդիսացող, այնպես էլ կողմ չհանդիսացող երկրների ներկայացուցիչներ:

Հանդիպել են ՄԱԿ ԵՏՀ-ի քարտուղարության փորձագետների հետ, քննարկել են ԿԶՆ 6.5.2 ցուցիչի վերաբերյալ ՀՀ-ի կողմից ներկայացված 3-րդ հաշվետվության նախագիծը, ինչպես նաև Ջրային կոնվենցիայից բխող Ջրի և առողջության մասին արձանագրության դրույթների վերաբերյալ հարցեր՝ հաշվի առնելով, որ Ջրի և առողջության մասին արձանագրությունը հզոր գործիք է Կայուն զարգացման 3-րդ և 6-րդ նպատակներին հասնելու համար:

Հանդես են եկել հակիրճ ելույթով, որով շրջակա միջավայրի նախարարության անունից շնորհակալություն են հայտնել ԵՄ-ին՝ մշտապես աջակցելու և շարունակական համագործակցության համար, նաև ներկայացրել են Ջրային ոլորտում ազգային քաղաքականության երկխոսության դերը, «ԵՄ ջրային նախաձեռնություն +» և «ԵՄ-ն շրջակա միջավայրի համար. ջրային ռեսուրսներ և շրջակա միջավայրի տվյալներ» ծրագրերի շրջանակներում ջրային քաղաքականության երկխոսության իրականացման ընթացքը, ոլորտում գրանցված առաջընթացն ու ձեռքբերումները, մասնավորապես՝ ջրային ոլորտում ազգային քաղաքականության երկխոսության ղեկավար կոմիտեի կազմի թարմացման, 2022 թվականին այդ կոմիտեի 20-րդ նիստի գումարման, ԵՄ դիրեկտիվներին ջրային օրենսդրության մոտարկման, ջրավազանային կառավարման պլանների մշակման և ընդունման, անդրսահմանային մոնիթորինգային համագործակցության և այլ գործընթացների իրականացումը:

### **4. Հանդիպումների ժամանակ ընդունված որոշումները, պայմանավորվածությունները, ստորագրված փաստաթղթերը.**

Նիստերին ներկայացվեցին թեմատիկ ելույթներ, վերոնշյալ թեմաների վերաբերյալ տարբեր երկրների փորձեր, դրանց ուղղությամբ կատարված աշխատանքներ, ներկայացվեցին Ջրային կոնվենցիային անդամակցած նոր չորս երկրները, կոչ արվեց ոչ անդամ երկրներին վավերացնելու կոնվենցիան, ինչպես նաև դրանից բխող արձանագրությունը՝ կարևորելով կլիմայի փոփոխության հետևանքով առաջացած մարտահրավերներին միասնական համատեղ ուժերով դիմակայելու հանգամանքը: Քննարկվեցին ջրային ռեսուրսների համապարփակ կառավարման վերաբերյալ նախատեսված և նախատեսվող հանդիպումների անցկացման վայրերի և ժամկետների վերաբերյալ հարցեր:

**5. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները:**

Իմ կողմից ՄԱԿ ԵՏՀ քարտուղարության փորձագետների հետ ձեռք բերվեց համաձայնություն, ԿԶՆ 6.5.2 ցուցիչի վերաբերյալ ՀՀ-ի կողմից ներկայացված 3-րդ հաշվետվության նախագծի իրենց առաջարկների հիման վրա լրամշակված տարբերակը սահմանված ժամկետում քարտուղարություն ներկայացնելու մասին:

Ձեռք բերվեց նաև համաձայնություն Ջրային կոնվենցիայից բխող արձանագրության խնդրահարույց դրույթների վերաբերյալ, որոնք խոչնդոտ են հանդիսանում ՀՀ-ի կողմից այդ արձանագրության վավերացման համար, փորձագետների կողմից իրավական հիմնավորումներ ներկայացնելու մասին: Ներկայացված հիմնավորումները կքննարկվեն որոշում կայացնողների շրջանում:

Ամփոփվեցին նիստերի ընթացքում քննարկված թեմաները, կազմվեցին եզրակացություններ, որոշվեցին և ամրագրվեցին նոր հանդիպումների վայրերն ու ժամկետները:

Գործուղվող



Լիլիթ Աբրահամյան

14.07.2023թ.